

Broj:L04-10/17

Datum:09.10.2017.

ZAPISNIK

Sa četvrte sjednice u novom sazivu LEF-a Općine Žepče

Sjednica je održana u ponedjeljak, 09.10.2017. godine sa početkom u 14:00 sati.

Sjednici su prisustvovali:

1. Općinski načelnik Mato Zovko
2. Pomoćnik načelnika za gospodarstvo i finansije i predsjednik LEF-a Namik Maličbegović
3. Pomoćnica Načelnika za graditeljstvo i prostorno uređenje Brigita Lovrić
4. Direktorica RAŽ-a Branka Janko
5. Direktor JP Komunalno Mirko Šumić
6. Pomoćnica direktora SMŠ Asima Nalić
7. Ravnatelj TOŠ KŠC Don Bosco Marinko Antunović
8. Ašir Mehić – Prograd d.o.o
9. Edin Čaušević – Frigošped d.o.o
10. Josip Jukić – California d.o.o
11. Vinko Katava – Vin Metal d.o.o
12. Nikola Borovac- K projekt d.o.o
13. Sabina Spahić – LS Econ d.o.o
14. Ivo Klarić – Eagle engineering d.o.o
15. Drago Dunder – Fotograf-zlatar Dunder
16. Emir Tutnić – Žepački rolend
17. Valentina Troglić – dopredsjednica LEF-a i predstavnica Jelinak d.o.o
18. Berina Grahić, tehničko tajništvo

Za sjednicu je predložen a potom i usvojen dnevni red:

1. Usvajanje zapisnika sa prethodne sjednice
2. 4. Gospodarski forum Općine Žepče – način sudjelovanja LEF-a u Gospodarskom forumu
3. Informacija o izradi Strategije razvoja Općine Žepče 2018. – 2027. – dosadašnji koraci
4. Analiza vanjskotrgovinske razmjene u Općini Žepče za 2016. godinu
5. Analiza socio-ekonomskih pokazatelja za Općinu Žepče za 2016. godinu
6. Inicijative LEF-a
7. Planiranje anketiranja privatnog sektora u 2017. godini – analiza i usvajanje obrasca za anketiranje privatnog sektora
8. Informacija o izmjeni cijena usluga JP Komunalno d.o.o Žepče

Ad1

Nakon pozdravne riječi predsjednika, zapisnik sa prethodne sjednice usvojene je jednoglasno.

Ad2

Informaciju o Gospodarskom forumu Općine Žepče prezentirala je Branka Janko, direktorica RAŽ-a. Istakla je da je tema ovogodišnjeg foruma "Ja sam biznis friendly, a ti" te da je planiran dolazak partnera iz Hrvatske, Crne Gore, Srbije, poduzetnika iz BiH kao i predstavnika svih nivoa vlasti u BiH, kao i međunarodnih organizacija te partnera projekta certifikacije gradova sa povoljnim poslovnim okruženjem.



Predložila je organizaciju radne večere članova LEF-a sa poduzetnicima iz Crne Gore, Hrvatske i Crne Gore što je i usvojeno. Direktorica RAŽ-a je pozvala sve članove LEF-a da sudjeluju Gospodarskom forumu te izvjestila o planiranoj izložbi žepačke proizvodnje u sklopu Foruma.

Ad3

Članovima LEF-a je prezentirana radna verzija Strateške platforme te poduzeti koraci u pripremi nove Strategije razvoja Općine Žepče za period 2018. – 2027. Prezentiran je projektni obrazac a članovi LEF-a su pozvani da prijave projekte te da daju svoj prijedlog mjera u cilju kreiranja strategije prema potrebi privatnog sektora.

Po ovoj tački dnevnog reda diskutovalo se o relativnosti predstavljenih podataka te o obazrivosti kod korištenja podataka o broju zaposlenih i broju stanovnika s obzirom da se zvanični statistički podaci i podaci iz Popisa stanovništva iz 2013. ne podudaraju. Primjedbi na platformu nije bilo.

Ad4

Direktorica RAŽ-a je predstavila Informaciju o vanjskotrgovinskoj razmjeni Općine Žepče. Istaknuto je da je izvoz u 2016. godini porastao za 82% u odnosu na 2012. godinu s tim što je u odnosu na 2015. izvoz pao za 30%. Najveći izvoznici su drvoprerađivači a izvoz iz tekstilne industrije je u padu. Članovi LEF-a su konstatovali da bi trebalo dublje analizirati vanjskotrgovinsku razmjenu i na polugodišnjem nivou kako bi se ustanovio uzrok prikazanog salda robne razmjene. Također je sugerirano da se koriste podaci Uprave za indirektno oporezivanje kako bi se uporedili sa podacima VTK.

Josip Jukić predložio je sastanak sa drvoprerađivačima kako bi se analizirala vanjskotrgovinska razmjena i izvoz energenata koji su potrebni i lokalnom tržištu.

Diskutovano je o stanju u privredi kao i odlasku mladih što predstavlja problem privatnom sektoru u Općini Žepče u smislu nedostatka radne snage.

Informacija je primljena k znanju.

Ad5

Direktorica RAŽ-a predstavila je informaciju o socio-ekonomskim pokazateljima prema kojima je Općine Žepče na 8. mjestu po razvijenosti u FBiH.

Edin Čaušević, osvrnuvši se na prezentovanu informaciju ističe kako bi trebalo pokrenuti inicijativu da se sa evidencija Biroa rada Žepče odjavljuju osobe koje rade u dijaspori te da se sa lokalnog nivoa pokrene inicijativa da se zdravstveno osiguranje odvoji od funkcije Biroa rada.

Informacija je primljena k znanju.

Ad6

Predsjednik LEF-a je prezentovao ranije pokrenute inicijative te poduzete korake u njihovom rješavanju.

Edin Čaušević predlaže aktiviranje inicijative za izgradnju dječjeg igrališta u Žepču. Općinski Načelnik podržava inicijativu te predlaže njenu realizaciju u 2018. godini. Ivo Klarić napominje da se pri izgradnji igrališta mora paziti na sigurnost te da se vodi računa da oprema bude certificirana.

U vezi inicijative za besplatan parking, Edin Čaušević predlaže ograničavanje parkinga ispred zgrade Općine a Vinko Katava inicira uvođenje besplatne parking karte za poduzetnike koji redovno plaćaju obaveze i doprinose.

Nikola Borovac predlaže izmjenu totema na ulazu u XP zonu s obzirom da sadrži nazine firmi koje su se ugasile ili ne posluju u zonu što je i prihvaćeno. Načelnik je napomenuo da se u XP zoni otvara nova rasvjeta. Članovi LEF-a su informirani da se i nelegalna prodaja u Preku suzbila za 50%.

Vinko Katava predlaže da se pokuša zaustaviti odlazak mladih iz Žepča.

Josip Jukić predlaže da se sa evidencije Biroa rada brišu svi oni koji odbiju posao dva puta. Također predlaže da se na sjednicu LEF-a pozovu zastupnici Parlamentu BiH i FBiH iz Žepča i susjednih gradova kako bi se pokušao rješiti problem odlaska mladih.

Nikola Borovac predlaže da se pokuša privući kapital osoba iz dijaspore.

Marinko Antunović naglašava da Općina Žepče treba da više koristi svoju nadležnost nad obrazovanjem kako bi se obrazovanje prilagodilo potrebama privrede. Također predlaže rješavanje problema pasa latalica posebno u dijelu oko škole te rješavanje problema pasa čuvara poslovnih subjekata koji posluju u neposrednoj blizini škole a koji su već pričini štetu učenicima.

Ivo Klarić predlaže da se na sjednicu LEF-a pozove načelnik PU Žepče kako bi se razgovaralo o sigurnosti u Općini Žepče.

Predsjednik LEF-a izvještava članove LEF-a o objavljenom Javnom pozivu za prodaju imovine Krivaja d.d. Žepče.

Ad7

Berina Grahić predstavila je anketni obrazac za anketiranje privatnog sektora o zadovoljstvu radom javne uprave. Članovi LEF-a su obaviješteni o planiranom uzorku, dinamici i pitanjima koja će se postaviti kroz anketni obrazac. Kako članovi LEF-a nisu imali primjedbu na anketu, zaključeno je da će se sa anketiranjem započeti od 10.10.2017.

Direktorica RAŽ-a je izvijestila članove LEF-a o aktuelnim javnim pozivima za privatni sektor te pozvala na aktivnije apliciranje na njih te korištenje tehničke podrške RAŽ-a u tom procesu.

Ad8

Informaciju o izmjeni cijena JP Komunalno podnio je direktor Mirko Šumić. Naveo je da je Odlukom OV Žepče broj 01-23-115/17 28.09.2017. usvojeno povećanje cijena kanalizacije i centralnog grijanja. Razlog povećanja cijena ovih usluga je povećanje cijena uglja za 120.000 KM u odnosu na prethodnu godinu.

Nove cijene kanalizacije za domaćinstva, preduzeća i radnje iznosiće 35% od utrošene vode po 1m³ umjesto dosadašnjih 25%. Cijene grijanja za stambeni prostor će iznosiće 2,5 po m² umjesto dosadašnjih 2,00 po m². Istakao je da se poskupljenje grijanje ne odnosi na poslovne subjekte kako se isti ne bi opteretili.

Nakon prezentirane informacije otvorena je diskusija. Emir Tutnić „Žepački rolen“ tražio je pojašnjenje u vezi poskupljenja usluga s obzirom na to da će cijena usluga pogoditi socijalno ugrožene kategorije stanovništva. Mirko Šumić ističe da je Općine Žepče sa JP Komunalno potpisala Ugovor o pružanju vodnih usluga kojim se obavezuje da subvencionira troškove vodnih usluga socijalno ugroženim kategorijama stanovništva te da će se u 2018. izdvojiti sredstva za ovu namjenu na koji način će se pokušati premostiti ovaj poskupljenje usluga.

Informacija je primljena k znanju sa zaključkom da se u narednom periodu iznađe rješenje za unaprjeđenje usluga grijanja i njegovo pojeftinjenje za sve kategorije potrošača a prioritetno, rješavanje lokacije za gradsku kotlovcu.



Naredna sjednica je zakazana na novembar 2017.

Sjednica završava u 16:15.

Zapisnik vodila

Berina Grahić Mudželet

Berina Grahić - Mudželet

Predsjednik LEE-a

Namik Maličbegović